



16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
4



Handwritten markings, possibly a date or number, located in the upper right quadrant of the cover.





東方朔畫贊碑

晉夏侯湛撰



大夫諱朔字曼倩平原馱次人也魏建安中分馱次  
為樂陵郡故又為郡人焉事漢武帝漢書具載其事  
先生瓌瑋博達思周變通以為濁世不可以富貴也  
故薄遊以取位苟出不可以直道也故頡頏以傲世  
傲世不可以垂訓也故正諫以明節明節不可以久  
安也故詼諧以取容潔其道而穢其迹清其質而濁  
其文弛張而不為邪進退而不離羣若乃遠心曠度  
瞻智宏材侗儻博物觸類多能合變以明筭幽贊以

知來自三墳五典八索九丘陰陽圖緯之學百家衆  
流之論周給敏捷之辯文離覆逆之教經絡藥石之  
藝射御書計之術乃研精而究其理不習而盡其功  
經目而諷於口過耳而諳于心夫其明濟開豁包含  
宏大陵操卿相嘲哂豪傑籠罩靡前蹈藉貴勢出不  
休顯賤不憂感戲萬乘若僚友視傳列如草芥雄節  
邁倫高氣盖世可謂拔乎其萃遊方之外者也談者  
又以先生噓吸冲和吐故納新蟬蛻龍變棄世登仙  
神友造化靈為星辰此又奇恠恍惚不可備論者也

大人來守此國僕自京都言歸定省觀先生之縣邑  
想先生之高風徘徊路寢見先生之遺像逍遙城郭  
觀先生之祠宇慨然有懷乃作頌焉其詞曰矯矯先  
生肥遯居貞退不終否進亦避榮臨世濯足希古振  
纓澀而無滓既濁能清無滓伊何高明克柔能清伊  
何視汙若浮樂在必行處險罔憂跨世凌時遠蹈獨  
遊瞻望往代爰想遐蹤邈邈先生其道猶龍染跡朝  
隱和而不同棲遲下位聊以從容我來自東言適茲  
邑敬問墟墳企佇原隰墟墓徒存精靈永戢民思其

軌祠宇斯立徘徊寺寢遺像在圖周旋寺宇庭序荒  
蕪椽棟傾落草萊弗除肅肅先生豈焉是居是居弗  
形悠悠我情昔在有德罔不遺靈天秩有禮神鑒孔  
明髣髴風塵用垂頌聲

漢東方朔先生畫贊碑陰記

唐顏真卿撰

東方先生畫贊者晉散騎常侍夏侯湛之所作也湛  
字孝若父莊為樂陵太守因來覲省遂作斯文贊云  
大夫諱朔字曼倩平原猷次人魏建安中分猷次為  
樂陵郡又為郡人焉猷次今移屬樂安郡東去祠廟

文

二百里故猷次城今在平原郡安德縣東北二十二  
里廟西南一里先生形像今則捏塑為之并二細君  
侍焉郡嘗為德州其贊開元八年刺史韓公思復刻  
于石碑真卿去歲拜此郡屬殿中侍御史平公冽監  
察御史開公寬李公史魚右金吾曹宋公審咸以  
河北採訪使東平王判官承接押至真卿侯於境上  
而先生祠廟不遠道周亟與數公臬家兄淄川司馬  
擢卿長史前落陽令蕭進用前醴泉尉李伯魚徵君  
左驍衛兵曹張遜麟遊尉韋宅相朝城主簿常夏有

司經正字畢耀族弟渾前叅軍鄭悟初同茲謁拜退  
而遊於中唐則韓之刻石存焉僉歎其文字纖靡駸  
靡生金卅年間已不可識真卿於是勒諸他山之石  
蓋取其字大可久不復課其工拙故援翰而不辭焉  
至若先生事跡則載在太史公書漢書風俗通武帝  
內傳十洲記列仙神仙高士傳此不復記焉


龔邱縣令庾公德政碑


李陽冰撰

荀勗古之良宰也榆次碣之庾公今之賢百里也龔  
邱頌之議者謂庾公之政大矣公初告羣吏曰昔孝  
宣憂元元以為經國理政先乎令長乃擇郎官御史  
出宰縣邑我自任城尉驟居五百石菲才何以當之  
誓務整蘇疲人祇若明命乃崇禮讓省刑罰紓力役  
闢土田宣慈務寬訓儉示德潤作時雨和為春風於  
是齊魯丕變井閭咸復三載考績一方歸最都督兼  
侍御史清河張公曰是牧伯之賢也訓俗馭官勸直

沮枉述職之地數能稱之曰方諸爽氣日暮更清比  
之松筠歲寒轉茂題以上下之目出乎羣英之表百  
城千里異聲同歡曰以伯達之良牧賞次孫之茂宰  
宜矣公名賁字文明其先潁川人成周之時世為掌  
庾曰以命族公其胄焉公之考曰欽嗣為兗州別駕  
王父曰元主為尋陽令會王父曰師則為蜀王文學  
楷模繼代龜麟接武大歷中邑老彭湏等三十五人  
以公政務之大咸願刻石褒美申於元戎元戎允答  
縣人以陽冰與公周旋備詳德行俾之作頌有愧能

文辭曰於穆庾公宰守之良化洽百里風播一方邑  
老上請願言頌德元戎嘉之金石乃刻大歷五年九  
月三日建





唐修文宣王新門記文

唐裴孝智撰

成域中之大歸天下之徃曰王王者應歷以宰物酌  
時以觀化威聲雷霆號令風雨不嚴人理合自然之  
運不行家至契如神之速德叶協於幽明道徜徉於  
古始無爲無事其大矣哉洎乎澆淳既變仁義斯起  
偃息庠序棲遲洙泗憲章萬物之首馳騁百王之末  
清頽波於幽厲扇儒術於殷周故春秋作而賊亂懼  
風興刪而廉耻生美韶濩而慈憊之音息行揖讓而  
莊敬之心勸夫子聖者與名與日月周流業與乾坤



終始隱焉而光闡然而章命服袞裳累代稱王曲阜  
聖人之鄉也先是闕宮霞敞正殿岑立繚以環堵遠  
其臺門巍若化造疑如動允所謂淹中之勝槩闕  
里之全模刺史孟公休鑒德潤尊師道肥希聖研精  
百氏淫羣言夜火非官曹之燭春桑絕附枝之詠  
判官郡功曹盧曠以文發身以清檢物博通  
數匹科惟此祠廟厥初層構朱戶半傾雕甍中落難  
名之閭輿造次可遊如在之易睹將何以

克恭過位加敬及庭於是孟公首之盧公翊之目命

縣大夫兼太

裴公新其南門書時也公

名有象育元舍莫廣學攻文始登甲科吏於舒舒

等吏於克克人悅服蓄可大之用為

致遠之資由是庀乃程具乃役不斬仲

山之石償以日而給功不時而就大屋橫亘雙扉

洞開丹拱繡栊膠葛固

景飛檐駢

逼而棲霧扃鏞既固享獻聿修官吏唯肅清之謹邑


人無褻瀆

席及階而升數仞之牆

由戶而入君子以非孟公之化不行非盧公之

不成三事叶同同底於善孝智不敏  
儒家之流徒春秋舍菜之禮

誌不腆之文俾刊永貞之石時大歷八年十二月一日也




題安期生詩刻

唐李 白撰


生瑯邪人秦時膏藥東海上人呼千歲公始皇與語  
不覺出於阜鄉亭留赤玉舄為報曰後千歲求我於  
蓬海上自是不見後齊人蒯通以策干項王詭言與生  
交好王妾欲召生封之無有也蒯通計窮謬稱生迹  
東坡信其事有詩云安期本策士平日交蒯通嘗干  
重瞳子不見隆準公若以為實然者噫項王之不可  
于明矣生何為而干之至漢武時李少君託言遇生  
於東海上食我以棗大如瓜亦踵蒯通故智也漢武

惑少君言欣然至海上莫與生遇終不過而反余常  
誦李白古風一首非為生而作然明生不可求之意  
是為得之其詩曰昔我遊齊都登華不注峯茲山何  
峻秀綵翠如芙蓉蕭颯古仙人了知是赤松借予一  
白鹿自挾兩青龍含笑凌倒景欣然願相從泣與親  
友別欲語再三咽勗君青松心努力保霜雪世路多  
險難白日期紅顏分手各千里去去何時還在世復  
幾時條如飄風度空聞紫金經白首愁相誤撫已或  
自笑沉吟為誰故名利徒煎熬安得閑余步終留赤

玉鳥東上蓬萊路秦帝如我求蒼蒼但烟霧





壯  
觀



壯觀二字碑

唐  
李  
白





岱嶽觀造像雙碑

唐

顯慶六年二月二十二日勅使東岳先生郭行真弟  
子康蘭茂杜知古馬知止奉為皇帝皇后七日行道  
并造素像一軀二真人夾侍  
儀鳳三年三月三日大洞三景法師葉法善等奉勅  
於此東岳修齋設河圖大醮所有鎮絲等物敬造壁  
畫元始天尊萬福天尊兩鋪功德既畢勒石紀年祗  
承官朝散郎行兗州都督府叅軍事攝功曹房希聖  
祗承官登仕郎行兗州都督府錄事劉懷口

大周 二年歲次辛卯二〇癸卯朔十②壬子金  
臺觀主中岳先生馬元貞將弟子楊景 郭希元內  
品官楊君尚歐陽智琮奉聖神皇帝勅緣大周革命  
令元貞往五岳四瀆投龍作功德元貞於此東岳行  
道章醮投龍作功德一十二②夜又奉勅敬造石元  
始 尊像一鋪并二真人夾侍永此岱岳觀中供養  
祗承官宣德郎行兗州都督府倉曹叅軍事李叔度  
大周萬歲通 貳年歲次丁酉東明觀三洞道士孫  
文僂奉 冊金輪聖神皇帝肆 伍 勅將侍者姚

欽元誚此岳觀祈請行道事畢敬造石 尊像壹軀  
并貳真夾侍庶茲景福永奉聖躬聊紀其 用傳不  
朽專檢校博城縣主簿閔育博錄事張口上護軍口  
口  
大周聖歷元 歲次戊戌臘 癸巳朔貳②甲午大  
弘道觀主桓道彦弟子晁自揣奉勅於此東岳設金  
錄寶齋河嶺大醮漆②行道兩度投龍遂感慶雲參  
見口齋醮物奉為 冊金輪聖神皇帝敬造等身老  
君像壹軀并二真人夾侍專當官博城縣尉李嘉應

兗州團練使都虞候銀青光祿大夫試衛尉卿上柱  
國高晃兗州團練使押 忠武將軍守左武衛大將  
軍土柱國趙俊

久視二 太歲辛丑正匝乙卯朔二 丙子神都青

元觀主麻慈力親 聖旨內賚龍璧 詞繒帛及香

等物諸此觀中齋醮功畢伏願我皇萬福寶業恒隆

敬勅昌齡莫同礪而無朽侍者道士麻弘倩

早春陪勅使麻先生祭岳 行博城縣令馬口麾我皇

盛文物道化 堊先鞭撻走神鬼玉帛礼山川忽下

元洲使來遊裁洞前青羊得處所白鶴恠時 度懇

飛龍記昭彰化鳥篇巖風半山水鑪氣摠雲煙光抱

昇中 霞明五色 山橫翠 外室在綠潭邊綆幕

灰團暖焚林火欲然 光著草樹春色 山泉伊水

來何 巖巖去幾千山疑小 下生是會祐仙葉令

乘鳧入浮丘 駕鶴旋麻姑幾 歲三見海成田

長安元 歲次辛丑十二匝己亥朔二十三 辛酉

道士金臺觀主趙敬同侍者道士劉守貞王懷亮等

奉十一匝七 勅於此太山岱岳觀靈壇修金錄寶

齋三②三夜又於觀側 塲之所設五岳一百廿槃  
醮禮金龍玉璧並投山訖又用鎮綵紋繒敬造東方  
玉寶皇上 尊一鋪并二真 仙童玉女等夾侍口  
口口口供養其②祥風襲息瑞雪便停香燭氤氳②  
匝明朗神靈降祉吉祥事畢故刻石記時勒名題②  
都檢校官承議郎兗州口都督府戶曹叅軍王杲專  
當官宣義郎行博城縣丞公孫杲專當齋并檢校像  
官博城縣主簿登仕郎董仁智

大周長安肆年歲次甲辰玖匝甲申朔捌②辛卯勅

使內供奉襄州神武縣雲表觀主元都大洞參景弟  
子中岳先生周元度并將弟子貳生金州西城縣元  
宮觀道士梁悟元奉齋匝貳拾玖②勅令自於名山  
大川投龍璧 无上高元金元玉清九轉金房度命  
齋參②參夜行道陳設醮禮用能 坐清和風雲靜  
默神靈効祉表壘壽之無窮者也專當郎朝敬郎行  
叅軍燉煌張浚并書專當官文林郎守博城縣主簿  
韓仁忠專當官宣德郎行口口口口劉元機  
大周長安四年歲次甲辰十一匝癸未朔十五②丁



西大弘道觀威儀師邢虛應法師阮孝波承議即行  
宮口丞劉懷懋印口口等奉勅於東岳岱岳觀中建  
金籙大齋卅九<sup>①</sup>行道設醮奏章投龍薦璧以本命  
鎮綵物奉為皇帝敬造石王寶皇上 尊一鋪十事  
并璧畫 尊一鋪十三事敬寫本際經一部度生經  
十卷以茲功德奉福璧躬其匝四<sup>②</sup>已前行道之時  
忽見<sup>③</sup>彩揚光加以抱戴俄頃之際雲色稍殊遂有  
紫霞間起黃雲巧興適覆壇場並成輿蓋觀斯嘉瑞  
敢不書之齋醮既終勒文于石專當官宣德即行究

州都督府叅軍事王處口專當官劉令劉元機專當  
官文林郎守博城縣主簿韓仁忠岱岳觀主倫虛白  
大享神龍元年歲次乙巳三月庚辰朔廿八日丁未  
大弘道觀法師阮孝波道士劉思禮品官楊嘉福李  
立本等奉勅於岱岳觀建金籙寶齋卅九人九日九  
夜行道并設醮投龍功德既畢以本命鎮綵等物奉  
為皇帝皇后敬造石元真萬福天尊像一鋪給事郎  
試太子中允劉秀良書

大唐景龍二年歲在戊申二月甲子朔十二日乙亥

大龍興觀□□□□奉勅往東岳陳章醮薦龍璧  
以其月廿七日辛卯於岱岳觀并□□□□設金  
錄行道九日九夜燒香然燈□□并設五岳名山河  
圖等醮□三座□功德事畢奉 本命紋繒及餘鎮  
綵敬造鎮國□□□鋪□□皇猷永固與靈岳而恒  
安國祚長隆等元都而白久朝議即行充□□□  
軍事王幹朝敬即行兗州都督府叅軍□□上柱國  
兼直安樂公主府□□□□□□□□□□張懷  
貞儒林郎行軋封縣主簿騎都尉韓仁忠等恭承睿

旨沐浴身心虔拜 壇勤 至矣稽首无上而為之  
頌曰太山巖巖兮凌載氛中有羣仙兮聚白雲陳金  
薦璧兮□□□

大唐景龍三年歲次己酉三月戊午朔十九日景子  
奉勅令 州龍興觀主杜太素蒲州丹崖觀監齋呂  
皓仙京景龍觀大德曹正一等三人於此太山岱岳  
觀建金錄大齋報賽前恩追濟宛等州大德卅九人  
九日九夜轉經行道設河圖大醮更祈後福以申告  
請七日之中遂呈四瑞四鶴騰輝拂霞莊而矯色黃

雲霞彩映巖 以通光絲雨飛禎家十九年之蓄烏  
曦抱戴壽延千載之君紀時日於青郊勒奇工於翠  
琰夾紵像一鋪十一事二聖本命鎮彩修造戶曹盧  
口縣令張懷貞主簿韓仁忠  
景雲二年六月二十三日皇帝敬憑大清觀道士揚  
太希於名山斫燒香供養惟靈蘊秘凝真含幽綜妙  
類高旻之亭育同厚載之陶鈞蓄洩烟雲蔽虧日月  
五芝標秀八桂沉芳翠嶺萬尋青溪千刃 顧炎武云  
當作仞 蛻裳戾止恒為碧落之 鶴駕來遊即是王

京之域百祥覃於遠迩五福被於黎元往帝所以馳  
心前王由其載想朕恭膺寶位嗣守昌圖恐百姓之  
不亨慮八方之未泰式陳香薦用表深衷寔冀明  
降茲休祉所願從今以後決寓常安朕躬男女六姻  
永保如山之壽國朝官寮百姓 符擊壤之歡魚鳥  
遂性於飛沉夷狄歸心於邊 徵實希靈鑒用副翹誠  
今因練師遣此眾悉

大唐景雲二年歲次辛亥八月癸卯朔十四日景辰  
蒲州丹崖觀上生呂皓仙奉今年閏六月十九日勅

往東岳及萊州東海投龍并道次 跡修功德將弟  
子二人蒲州 仙觀道士杜含光丹崖觀道士王元  
度道士孫藏暉於此三日三夜卅九人金錄行道設  
齋醮并投龍口口口朝議郎行倉曹叅軍陸大鷄朝  
議郎行兵曹叅軍高峻通直郎行叅軍袁幹時宣義  
郎行瑕丘縣丞裴遇等奉都督齊國公崔處分令此  
起居呂尊師時屬仲秋謹題斯記

歲日月我皇有意于神仙勅使正議大夫內給事梁  
思陀寺伯俱元明等與道士任无名於東岳太山投

龍合練寵以紫綽送以紺錢皇皇焉濟濟焉乘傳而  
來矣都督常君仰祜帝命遠挹使車爰擇幹明式經  
構葺朝議郎行功曹蓋寘疑宣德郎行叅軍李烈恭  
行郎命屆茲岱嶺因太山之木用近土之人鑿碧巖  
壘丹竈列星柱亘虹梁匠無宿春農不下壟嘗未浹  
日厥功已成棟宇已來莫籌其速軋封主簿趙 持  
劇務以應諾摠羣事而趨走恪 匪懈不遑自寧息  
徒庀工刻詞貞石于時開元八年歲次庚申七月壬  
子朔廿日辛未畢此功也瑕丘尉攝此縣盧昊

開元十九年十一月都大弘道觀主張遊霧京景龍  
觀大德楊琬建立真君於此修齋三日三夜專當官  
朝散郎曲阜主簿上官賓登仕郎乾封縣尉王去非  
開元十年二月口日勅使內侍省內謁者監胡判  
官掖庭局監作窳君愛口上騎都尉王元湛專知官  
登仕郎行乾封縣尉王去非

大唐大歷七年太歲壬子正月癸未朔廿三日乙巳  
奉勅於岱岳觀修金錄齋醮及於瑤池投告事畢故  
題記修功德中使內侍魏成信判官文林郎守內府

丞劉元載判官掖庭局丞楊彥瓌小使掖庭局丞魏  
貴珣使內供奉道士申昇元使翰林供奉道士王端  
靜弟子道士李曰榮駱直運大叔法澄行官陳顯專  
知齋醮檢校官朝議郎行充府參軍王楚典同勾當  
官朝議郎行乾封縣尉郭山人王昌字  
贈諸法師宣義郎行博城縣丞公孫杲駕鶴排口霧

乘鸞入紫煙凌晨味譚菊薄春玩峯蓮玉葉伍梁下  
金颺列窻前嘯傲雲霞際留情鱗羽年

大歷八年歲次癸丑九月癸酉朔廿八日口口切


德中使正議大夫守內侍口內侍負外口口口同正  
負上柱國魏誠信判官文林郎守內府丞劉元信小  
使文林郎守掖庭丞魏貴珮內供奉道士申昇元翰  
林供奉道士圭瑞靜等奉八年六月口日勅於東岳  
金錄行道七日七夜及口口口口口口口口高  
宗元宗封紀號口口口口口口并造碑樓六所並曰此  
記專知官昭武校尉左金吾衛口口口專知檢校醮  
祭官文林郎充州瑕丘縣尉口口口同檢校官宣義  
郎行軋封縣尉口口口永奉郎守軋封縣令劉難拖

上柱國口口口山人劉口濟山人王昌字隨使碑  
口口口

淄州刺史王圓口口口馮珣山人王昌字大歷十四  
年二月廿七日同登泰嶽時真君道士卜皓然萬歲  
道士郭紫微各携茶菓但候于迴馬嶺回懸於王母  
池登臨之典無所不至馭使官樂瓌題記

口盧淄青度判官中大夫檢校尚書工部郎中兼  
侍御史敬謩節度押中大夫試殿中監馮珣文林  
郎守充府兵曹參軍浩朝散大夫行任城縣令權

知軋封縣令揚序節度馭使官朝散郎試光祿寺主簿明幹文林郎任城縣尉高錕山人呂滔唐建中元年二月廿九日同登岱岳因訪瑤池故志之



新修曲阜縣文宣王廟碑

新修曲阜縣文宣王廟碑


唐賈防撰

皇帝御寓之十年歲在己丑夫子三十九世孫魯國公節鎮汝陽之二載秋霜共凜冬日均和里閭無杼鼓之聲耆艾有襦袴之誅道已清矣政已成矣於是瞻故鄉以徘徊想廟貌而惆悵乃謂僚佐曰伊予聖祖實號儒宗英靈始謝於衰周德教方隆於大漢爰因舊宅是構靈祠粵自國朝屢加崇飾文棖繡栢雖畱藻繪之功日徃月來頗有傾摧之勢故老動悽涼之思諸生興嗟嘆之音今忝鎮東平幸邇鄉里雖無

由展敬而敢忘修營既而飛章上陳請以弘俸葺飾  
由是命工庀事飾舊如新浹旬之間其功乃就門連  
歸德先分数仞之形殿接靈光重見獨存之狀眸容  
穆若更表溫恭列侍然如將請益丹楹對峙還疑  
夢奠之時素壁高標宛若藏書之所槐影踈而市晚  
杏枝暗而壇孤不假大夫幽蘭自滿無煩太守刺草  
全除稷門之舊業俄興闕里之清風再起既可以傳  
芳萬古亦可以作範一時且開闢以來王霸之道言  
其德也莫踰於湯武語其功也無尚於桓文墳木未

乾而邱壠已平子孫縱存而烝嘗悉絕夫子無尺寸  
之地微一旅之衆修仁義者取為規矩肆強梁者莫  
不欽崇生有厄於棲遲沒居尊於南面而樵蘓莫採  
廟貌長存道德相承簪裾不絕則夫子之道既可彰  
於積善魯公之德實無愧於聿修防目覩靈蹤躬尋  
盛績仰聖姿而如在歎休烈而難名承命紀功讓不  
獲已刻諸貞石深愧菲才謹記





夫子廟堂碑

唐程浩撰記

天地吾知其至廣以其無不覆載日月吾知其至明  
以其無不照臨江海吾知其至大以其無不容納料  
廣以寸管測明以尺圭航大以一葦廣不能逃其數  
明不能私其質大不能亡其險偉夫夫子後天地而  
生知天地之始先天地而後知天地之終非日非月  
光之所及者遠不江不河潤之所浸者博三代禮樂  
吾其損益百王憲章吾其消息君臣以位父子以親  
家國用和鬼神以饗道不可登其有物釋不可證於

無生一以貫之我先師夫子聖人也古之帝聖者曰  
堯古之君明者曰禹堯之德有時而息禹之功有時  
而窮我夫子之道久而彌芳遠而彌光用之而昌舍  
之而亡昔否於宗周今泰於皇唐不然何耀衮而裳  
垂珠而王者矣碑陰云興心置地設意建立報本無  
私辛勤有力悼我父志未完早世念昔先人至歿不  
易蓋其所系贊也

任公屏盜碑

後周李昉撰

降婁魯之分濟河惟兗州大野既荒西狩獲麟之地  
崇山作鎮東暝見日之峯郡國已來土賦稱大舊制  
非便必惟其新蓋民衆吏少則奸易生治稱任平則  
時克乂皇朝建濟州於鉅野縣猶魏室分厭次為樂  
陵郡耶我太祖聖神恭肅文武孝皇帝發天機張地  
紀皇建丕祚帝於萬邦不枉政以厚民生不尅法以  
重民命以謂分是理頒是條施之一方而用寧通之  
四海而不泥者其惟良二千石乎故簡選牧守咸用

賢能得人者昌於斯為盛今皇帝嗣守洪業光揚聖  
謨率勤儉為天下先惟幾微成天下務所謂皇王綱  
統之道明矣邦國紀律之務成矣而研覈精鍊日不  
暇給以戒弛墮之患所謂視聽聰明之德充矣中外  
上下之情通矣而啟迪開納國無留事以防壅塞之  
弊凡軍國機要刑政樞務事無巨細必詳於聽覽凡  
公侯卿士牧伯長吏任無輕重必考其才是以設爵  
愈重分職愈精人八自謂我民康家家自謂我土樂  
粵嗣位元年冬十月詔以趙州刺史任公檢校太保

牧于濟州濟新造之郡也麟州之名其廢已久歲月  
差遠士風寢醜民忘其歸或肆為梗重以控地既大  
苞荒用遐山幽數深亡命攸萃灌莽悉伏戎之地萑  
蒲為聚盜之資妖以人興嘯召或成於風雨法由貪  
弊羈縻遂至於逋逃良田有蝨實害嘉穀趾夫年號  
豐稔人無扎瘥滯穗餘糧栖偃於千畝京食坻庾阜  
衍于九年猶或脅遊惰之夫釋耒耜之用鉤鋤弦木  
竊弄于鄉閭之間矧饑沴之歲乎至乃野無戰血天  
藏殺機鞏甲瑊戈戢鋒鏑于武庫庸租井賦緩徵督

于鄉胥尚或誘輕生之民聚無賴之族巢臬穴狡竊  
發於晦暝之中矧兵革之際乎民既病而疇思其治  
醫雖良而藥或未工用有所長才難求脩文吏求名  
教之檢則必曰導之以禮盜用侮而益暴法家持剛  
猛之斷則必曰齊之以刑盜用駭而彌逸自非文武  
兼資之用英雄斷制之才蒞是任而居是邦者厥惟  
艱哉公天授將材生知理本以戰則勝元機出應變  
之先以化則孚心術洞希微之表抗一麾而戾止撫  
萬室以瞻言以謂川壅汚潢利源派而膏宜濬畝田

荒薦藜樹嘉苗而必極芟夷于是令以先庚申之後  
甲介馬負先馳之勇陰門提夜出之兵獵叢社以平  
妖盡誅其類狩平林而得偷悉伏其辜狂童震驚四  
野竦駭狠心盡革民患皆除乃峻以隄防愆其窟窞  
決獄盡竦其留滯窮源用滌其瑕疵分命鄉民設其  
警備仗乙夜以蒐慝扼衝途而伺奸盜跡之來若羅  
量畢申命降寇招其叛徒恩信署用以結其心懾服  
羈留以杜其變盜意之改若愈膏肓非夫術以變通  
奸由惠照太阿所擊制洪鍾而不留玉弩載張應靈

機而自發其孰能如此耶甚矣哉除盜之難其來有  
素中古澆漓之後羣心變詐之興縱燎夷荒或敗蕭  
蘭之秀尋戎代蠹因傷杞梓之材惟賢者之用心則  
是非而無混故公嫉盜之意切而誅盜之令嚴去盜  
之術行而屏盜之譽顯夫盜既去矣民將息矣然後  
緩之以約束寬之以法令養之以惠愛勸之以禮讓  
化之無或戾信之無或欺則龔黃之風彼亦奚尚是  
以黃髮鮐背之叟農工商賈之類含哺而嬉既舞且  
咏以為康莊播頌雖明盛德之容琬琰裁碑宜耀披

文之質郡將官吏唱言僉同乃詩闕上陳願塞羣望  
帝用嘉許綸言式敷詔左拾遺李昉俾文其事以述  
濟民之請微臣不才忝奉明旨揣闔秘思懼遺休聲  
稽實課虛斯謂無愧而太史氏紀功臣之績云公名  
漢權蜀國人也以武畧事累朝以戰功登貴仕亟握  
兵要連分使符初牧于丹有排亂折衝之績移治于  
趙有安邊鎮靜之功所至皆有能名而濟之人獨能  
宣其事業以示不朽亦可謂賢矣系曰事有該于謠  
俗傳于耆舊者千載之下尚為美譚矧文之以銘而

勅之以石乎他日知使君之政者其將質于此故其  
詞云

道失其要 刑淫而暴 人心用違 良民為盜

令嚴而申 政肅而淳 人心用依 盜為良民

民即盜也 盜亦民也 善惡之化 實由乎人

猗歟使君 克善其治 始以嚴誅 去其奸宄

申以約束 靜其鄉里 里無墮農 鄉無狡童

曾未逾月 澄清四封 相彼林矣 豈其豺虎

暴心不生 與麟為伍 循彼陔兮 亦有荆棘

惡蔓既除 與蘭同色 使君之賢 如山如淵

濟民之頌 聲聞於天 刻石播美 垂千萬年

